



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-18645-80/19 RA
Sarajevo, 16.07.2019. godine

SKUPŠTINA KANTONA SARAJEVO
- o v d j e -

n/r Elmedin Konaković, predsjedavajući

PREDMET: Dostava odgovora na zastupničku inicijativu – zastupnik Dževad Poturak

Zastupnik u Skupštini Kantona Sarajevo, Dževad Poturak, na Osmoj Radnoj sjednici Skupštine Kantona Sarajevo, održanoj dana 14.05.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenuo je zastupničku inicijativu, kako slijedi:

"Moja reakcija na odgovor resornog ministra Damira Filipovića koji se odnosi na moju inicijativu da se na prikladan način uredi ambijent oko Rimskog mosta. Zahvaljujem se na odgovoru ministru, ali ponavljam svoju inicijativu uz molbu da resorno ministarstvo uspostavi komunikaciju sa nadležnom institucijom koja se brine o kulturno - historijskim spomenicima i da u jednoj koordiniranoj akciji poduzme mjere kako bi se moja inicijativa realizirala na adekvatan način, i dodatno oplemenio ovaj kulturno - historijski spomenik."

ODGOVOR:

Prvobitno podnesena inicijativa zastupnika Dževada Poturka u vezi Rimskog mosta nije zvanično upućena Ministarstvu prostornog uređenja, građenja i zaštite okoliša (već prema našim saznanjima Ministarstvu kulture i sporta i Kantonalnom zavodu za zaštitu kulturno - historijskog i prirodnog naslijeđa Sarajevo), tako da se nismo mogli ni referisati na istu.

Međutim, što se tiče nove zastupničke inicijative u istom predmetu, a koja je prosljeđena ovom organu, ukazujemo na slijedeće bitne činjenice i zakonske odredbe:

Prema članu 8. Zakona o proglašenju Spomenika prirode "Vrelo Bosne" ("Službene novine Kantona Sarajevo", broj 6/10-Prečišćeni tekst), Rimski most na Plandištu nalazi se u Drugoj zaštićenoj zoni Spomenika prirode "Vrelo Bosne", za koju su propisane mjere zaštite (dozvoljene i zabranjene aktivnosti), kojih su se dužni pridržavati svi korisnici zaštićenog područja. Spomenikom prirode upravlja Kantonalna javna ustanova za zaštićena prirodna područja, koja vrši nadzor nad provođenjem mjera zaštite, kao i održavanje predmetnog lokaliteta što uključuje



košenje, prikupljanje i odvoz otpada i sl.

U skladu sa članom 134. Zakona o zaštiti prirode ("Službene novine Federacije BiH", broj 66/13), na zaštitu i očuvanje kulturnih dobara koji se nalaze na području zaštićenih prirodnih vrijednosti (uključujući i spomenike prirode) primjenjuju se i propisi o zaštiti i očuvanju kulturnih dobara. U Kantonu Sarajevo ova materija je regulisana Zakonom o zaštiti kulturne baštine, a za čiju implementaciju je nadležno Ministarstvo kulture i sporta.

S poštovanjem,



MINISTAR

Damir Filipović, MA prava

Dostaviti:

- ☉ Naslov
- Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

